

Las pli bellas paraulas dals frars Grimm

Il nov disc cumpact da la retscha Top Kids

■ (cp) Radiotelevision Svizra Ruman-tscha (RTR) e la Lia Rumantscha (LR) publitgeschan cun lur nov disc cumpact da la seria Top Kids il davos disc cun paraulas dals frars Grimm. La preschentaziun dal disc datti d'udir ils 16 d'october 2014 suenter las 08.00 tar il Radio Rumantsch.

En il center stattan questa giada las mattas. Tar Dunna Holla survegn la figlia lavurusa e diligenta la paja meritada. Grazia a sia furbaria scuvra il giuven prinzi perge ch'ìls chalzers da las princessas èn adina pli isads la damaun. Per fortuna chatta la princessa or il num da Rumplarot ed al retg Barbatursch reusseschi cun ina malizia che sia dunna daventa ina chara e modesta. Rampunella chatta suenter onns da praschun en la tur auta la fin finala la libertad e l'amur. E l'amur per il proxim vegn remunerada en la paraula da «Las stailas-marenghin».

Las paraulas dals frars Jacob e Wilhelm Grimm èn cumparidas l'emprima giada l'onn 1812 en il cudesch «Kinder- und Hausmärchen». Ellas èn daventadas fitg popularas e vegnan anc oz raquintadas e tadladas gugent. Sis da las paraulas las pli popularas cumparan ussa sin il 21avel disc cumpact da la seria Top Kids da RTR e da la LR, ch'è il quart disc en questa seria cun paraulas da Grimm (sper Top Kids vol. 16, 18 e 19). In'emprova auditiva dal disc cumpact actual da «Las pli bellas paraulas dals frars Grimm» chatt'ins en l'internet sut www.simsalabim.rtr.ch ubain www.liarumantscha.ch.



Frontispizi da la nova ediziun da Top Kids.

MAD

Sutvart chattais vus ils discs cumpacts gia cumparids en la retscha Top Kids:

Top Kids vol. 1 e 2 Las pli bellas istorgias dal Simsalabim

Top Kids vol. 3 Il viadi da Mauro

Top Kids vol. 4 Pippi Soccalunga chapitel 1–3

Top Kids vol. 5 Pippi Soccalunga chapitel 4–6

Top Kids vol. 6 Toni en il final

Top Kids vol. 7 ed 8 Pippi Soccalunga chapitel 7–11

Top Kids vol. 9 e 10 La strietta

Top Kids vol. 11 La stria dals dents marschs

Top Kids vol. 12 Il lader Pederpaiver

Top Kids vol. 13 Rosa tar ils pirats

Top Kids vol. 14 Pauli

Top Kids vol. 15 Lilli e Squamet

Top Kids vol. 16, 18 e 19 Las pli bellas paraulas dals frars Grimm

Top Kids vol. 17 Aladin e la lampa magica

Top Kids vol. 20 Il pitschen prinzi

Il disc cumpact pon ins cumprar per 19.50 francs tar: Radiotelevision Svizra Rumantscha, 081 255 75 75; Lia Rumantscha, Cuira, 081 258 32 22 e tar tut las librerias che vendan products rumantschs.